



EXAMINATIONS COUNCIL OF ZAMBIA

PRIMARY SCHOOL LEAVING EXAMINATION – 2025



Chitonga

SUBJECT 5/4
TD/TO5/PSLE/2025

MAMINITI 60

Kulailila

- 1 Bala kulailila kuccilila kabotu-kabotu.
- 2 Utavwununi pepa eeli kusikila waambilwe kucita boobo.
- 3 Utalembi-lembi apepa lyamibuzyo yamisunko. Basunki balakulailila cakucita.
- 4 Kuli mibuzyo ili makumi osanwe (50) muzyibeela zyili cisambomwe mupepa eeli. Mubuzyo aumwi ujisi kwiingula kwapegwa kone, pesi komwe nkokuluzi kwiinda koonse. Weelede kusala kwiingula kuluzi ooku. Wakusala, uzile-zile mucibaka muli bbala likozyenye aleelyo lijisi kwiingula kuluzi mbuli boobu:



Kuti kwiingula kuluzi kali 'D', weelede kuzila muli 'D'. Weelede kuzila-zila imuli kwiingula kuluzi cakumaninina kubelesya mpesele. Kuti wayanda kucinca kwiingula kwako, umwaye kubelesya cimwaisyo cinyina tombe kabotu-kabotu. Wamana notizile-zile mucibaka cimbi cijisi kwiingula nkoosala munsu.

- 5 Wamana kwiingula mibuzyo iili apeeji lyomwe, uzumanane kupeeji litobela: Utalindili kwaambilwa.
- 6 Waambilwa kutalika ubeleke cakufwambaana, pesi kotaanguna kuyeeyesya.
- 7 Kuti wamana kwiingula mibuzyo kakucili ciindi, bona kuti wapa bwiinguzi kumibuzyo yoonse. Alimwi ubone kuti apepa lyabwiinguzi kuli zyina lyako, nambala yako yamusunko, zyina lyacikolo alimwi kakulembedwe pepa 1.
- 8 Kuti kojisi mubuzyo, kobuzya lino. Tokwe kuzumizigwa kubuzya musunko watalika.

**UTAVWUNUNI PEEJI EELI KOTANAAMBILWA
UBELESYE MPENSELE YA HB / KULEMBA BWIINGUZI BWAKO.**

CIBEELA CAKUTAANGUNA

MULAKA

Oomu mucibeela kuli mibuzyo iisika ku 15. Mubuzyo aumwi ujisi kwiingula kwapegwa kone, pesi komwe nkokuluzi kwiinda koonse. Weelede kusala kwiingula kuluzi akuzila-zila mucibaka muli kabala kakozyenye akaako kajisi kwiingula kuluzi mbuli boobu:

Mukozyanyo:

Cisamu ... cilakatazya kutyola.

- A cipati
- B kapati
- C mupati
- D tupati

Bwiinguzi ngu A.



Sala bbala lyeelede kubikkwa mukaambo akamwi.

Lino koingula mibuzyo itobela.

- 1 Tukuku twakwe twafwa ...
 - A coonse.
 - B koonse.
 - C toonse.
 - D zyoonse.
- 2 Baama batwa buntele ...
 - A mucibiya.
 - B mucisuwo.
 - C muncili.
 - D mungoma.
- 3 Bona bana batwa musozya ... ncili.
 - A a
 - B atalaa
 - C ku
 - D mu
- 4 Basicikolo ... musunko sunu.
 - A bakalemba
 - B bakalilembede
 - C balemba
 - D bayoolemba

- 5 Basicikolo aaba ..., boonse baupasa musunko.
- A mbabi
 - B mbakandu
 - C mbalenga
 - D mbasongo
- 6 Kososela cisyu ... cibizwe cakufwambaana.
- A antela
 - B kutegwa
 - C nkaambo
 - D pesi
- 7 Cisyu eeci ncibi nkaambo ... mukanwa.
- A cilalula
 - B kalalula
 - C tulalula
 - D zyilalula
- 8 Jolezya wakaimvwi ... acuulu kusoola mpongo.
- A ansi
 - B atala
 - C mukati
 - D mutala
- 9 Ciloli ... munzila.
- A cawa
 - B kawa
 - C lyawa
 - D zyawa
- 10 Chimuka bamupa ... lyakubikkila mabbuku.
- A bbeeke
 - B bbudu
 - C dembo
 - D pepa
- 11 Ndilaccovwa ... neya kumilimo.
- A cikkocci
 - B cileyi
 - C mootokala
 - D ncinga

- 12 Madeede aabizidwe alasubila ...
A buu.
B mbii.
C mwee.
D pyuu.
- 13 Twakafwambaana kusika nkaambo musinzo wakali ...
A mubi.
B mufwaafwi.
C mukali.
D mulamfwu.
- 14 Twakanjila mujanda ... kutegwa batatuboni.
A cakusalala
B cakusekelela
C cakusobelela
D cakuyobeka
- 15 ...! Ndaluba mali aakubbadela mubbaasi.
A Ohhoo
B Maawe
C Akaka
D Accuu

CIBEELA CABILI

TWAANDAANYO

Bikka twaandaanyo tweeledede mucibaka camanamba.

Mukozyanyo

(1) Sena kuli utayandi kulya (2) (3) bakabuzya banyina (4)

	1	2	3	4
A	"	.	?	"
B	"	?	"	.
C	.	"	?	"
D	?	"	"	.

Bwiinguzi ngu **B**.



Lino koingula mibuzyo itobela.

- 16 Mupika (1) Mpoto (2) Mpani (3) Muungo a Sipunu zylajanika muncikini (4)

	1	2	3	4
A	?	/	/	.
B	/	?	/	.
C	/	.	.	/
D	/	/	/	.

- 17 Mumukwasyi wesu tukkalaa baneene (1) baacisya (2) bataata (3) baama amweenima (4)

	1	2	3	4
A	/	/	/	.
B	.	/	.	.
C	/	.	/	?
D	.	.	.	?

- 18 Buumba (1) Kasamba (2) Mutinta (3) Nchimunya a Beenzu boonse mbacizyi ba Chimuka (4)

	1	2	3	4
A	/	/	.	.
B	.	.	.	?
C	.	/	/	.
D	/	/	/	.

- 19 (1) Sena wakukula mujanda (2) (3) bakabuzya baama (4)

	1	2	3	4
A	"	?	"	.
B	/	/	"	"
C	?	?	.	?
D	"	!	?	"

- 20 (1) Nguni utisaangune kulunduka (2) (3) bakabuzya bayi (4)

	1	2	3	4
A	!	?	.	"
B	?	/	/	.
C	.	.	?	"
D	"	?	"	.

CIBEELA CATATU

MULASO

Twaambo tuccilila kuti twalembwa kabotu tulakonzya kwaamba cintu cimvwugwa. Ino tweelede kulembwa buti?

Mukozyanyo

- 1 wakaciswa
- 2 cuute
- 3 nguni
- 4 kale

A 2 4 1 3

B 1 3 2 4

C 4 2 3 1

D 3 1 4 2

Bwiinguzi ngu **D**.



Lino koingula mibuzyo itobela.

- 21**
- 1 bataata
 - 2 nsima
 - 3 mucikuta
 - 4 bajika

A 2 3 4 1

B 2 4 1 3

C 1 4 2 3

D 1 2 3 4

- 22**
- 1 waula
 - 2 mupati
 - 3 ccuka
 - 4 wangu

A 2 4 1 3

B 4 3 2 1

C 3 4 2 1

D 1 4 2 3

- 23**
- 1 Bakazyilimina zyoonse.
 - 2 Baama bakasyanga nyemu zyinji.
 - 3 Nobakazyisya bakazuzya masaka mwaanda.
 - 4 Bakazyisambala akujana mali manji kapati.

A 3 1 2 4

B 2 4 3 1

C 4 2 1 3

D 2 1 3 4

- 24** 1 Ulasalazya cimbuzi lyoonse
 2 Mutinta mulondo kapati
 3 Eeci cilesya malwazi
 4 Bulondo bulayandika lyoonse
- A** 4 3 1 2
B 2 1 3 4
C 1 2 3 4
D 1 3 4 2
- 25** 1 Mpoona wakakakwela canguzu.
 2 Chaande wakaunka kukulobola.
 3 Wakajana cibbusu cimanide.
 4 Wakafwusa kalobo mumeenda.
- A** 2 4 1 3
B 1 4 3 2
C 1 2 3 4
D 4 1 3 2

CIBEELA CANE

MABALA NCAAMBA, TWAAMBYO, MAAMBILA-MBALI AMAPELO

Oomu mucibeela kuli mibuzyo ili 10. Mubuzyo aumwi ujisi kwiingula kwapegwa kone, pesi komwe nkokuluzi kwiinda koonse. Ulasunkwa kujatikizya mabala ncaamba, twaambyo, maambila-mbali amapelelo.

Mukozyanyo:

Jilo twakatambula atakondi. Eeci caamba kuti ...

- A** twakatambula malila.
B twakaswaigwa bulwazi.
C twakaswaigwa mweenzu.
D twakatambula makani.

Bwiinguzi ngu **A**.



Lino koingula mibuzyo itobela.

- 26** Mpande ulaa moyo muniini. **Moyo muniini** caamba ...
- A** kufwambaana kukkomana.
B kufwambaana kunyema.
C kumuka kukkomana.
D kumuka kunyema.

- 27 Ooyu mudaala ujisi **moyo wabbwe**. Ooku nkokuti moyo wakwe ...
- A muyumu.
 - B ngwaluse.
 - C ulacisa.
 - D ulalema.
- 28 Bina Luse **balya mbuli ngulube**. Eeci caamba kuti ...
- A balalya asyoonto.
 - B balalya kapati.
 - C balyaa ngulube.
 - D tabalyi ngulube.
- 29 Mubwa wesu **wakakalala** nobakanyonganya twana twakwe. **Wakakalala** caamba kuti ...
- A wakaluma.
 - B wakanyema.
 - C wakatija.
 - D wakeenda.
- 30 **Kubula matwi** caamba ...
- A kumvwa kuyobeka.
 - B kumvwa kwaambilwa.
 - C kutamvwa kuyobeka.
 - D kutamvwa kwaambilwa.
- 31 **Matako aali bubili taabuli kucumbana**. Eeci caamba kuti ...
- A bantu bali bobile tababuli kuzwangana.
 - B bantu bobile tabazwangani.
 - C matako obile alacumbana kapati.
 - D matako obile mabotu kwiinda.
- 32 Mweene wakagonkelwa naakazyiba kuti wafeela. **Kugonkelwa** caamba ...
- A kubaa bukandu.
 - B kubaa nguzu.
 - C kubula bukandu.
 - D kubula nguzu.
- 33 Musozya ... mubotu.
- A wakkutwa
 - B wakuntwa
 - C wakuttwa
 - D wakutwa

- 34 Kolivwumba ku ... akasekwe kuli lusuko.
A mpeemo
B mpeemmo
C mpemo
D pemo
- 35 Bataata bakatukasya kubbakela beenzuma. **Kubbakela** caamba kuumya ...
A cimboko.
B maanza.
C maulu.
D muluso.

CIBEELA CASANU

BUSANDULUZI

Munselelo kuli mabala atwaambo tulembedwe mucikuwa. Sala busanduluzi buluzi kuzwa kubwiinguzi bone bwapegwa.

Mukozyanyo

Bbala lya **'protect'** mu Cikuwa ngu ... mu Chitonga.

- A jatilila
B kwabilila
C lulamika
D tandabika

Bwiinguzi ngu **B**.



Lino koingula mibuzyo itobela.

- 36 Bbala lya **'worker'** mu Cikuwa ngu ... mu Chitonga.
A mweembezi
B muvwimi
C mulimi
D mubelesi
- 37 Bbala lya **'help'** mu Cikuwa ngu ... mu Chitonga.
A gusya
B gwasya
C jala
D jata

- 38 Kaambo kakuti, '**They are selling soap**' mu Cikuwa ngu ... mu Chitonga.
- A Balapa nsipa
 - B Bacincanisya nsipa
 - C Balasambala nsipa
 - D Balavwozya nsipa
- 39 Kaambo kakuti, '**I want to buy bread**' mu Cikuwa ngu ... mu Chitonga.
- A Ndiyanda kuula busu
 - B Ndiyanda kuula cimbuwa
 - C Ndiyanda kuula cinkwa
 - D Ndiyanda kuula mwanja
- 40 Kaambo kakuti, '**Mother is bathing**' mu Cikuwa ngu ... mu Chitonga.
- A Baama balaimba
 - B Baama balakukula
 - C Baama balasamba
 - D Baama balasuma

CIBEELA CACISAMBOMWE

KUMVWISISISYA KUBALA

Malailile

Bala cibalo eeci kawiiwi wamana wiingule mibuzyo itobela

Lushomo wakali musimbi ulilemeka alimwi wakajisi bulemu kubantu. Akaambo kaboobo banyina bakali kumusyoma kulilemeka. Abalo beenzyinyina bakali kumuyanda kapati. Bumwi buzuba beenzyinyina bakamutamba kuunka kumalindo ciindi camasiku. Banyina Lushomo bakamuzumizya kuunka nobakamana kumulaya kuti wakeelede kulilemeka kabotu ooko kumalindo.

Malindo aaya ngaakaunka Lushomo akali akutalika kuunka aboobo akamukomaninsya kapati. Kuzwa buzuba oobu wakatalika kuunka kumalindo manji aakali kucitika, kusikila wakabaa ciimo cibi. Banyina bakabona buyo kuti mwanaabo wakatalika kweenda biyo katalombi nokuba kulaya kuli mbabo. Wakaba wabaabo basimbi bakali kutegwa mbabakubwene kumutwe kuzyana mumalindo. Banyina Lushomo bakalijata amutwe kulila kabati, "ndakalubizya kumatalikilo kumuzuminyza kuunka kumalindo Lushomo."

Mbobakati 'Sokwe kaamuleya katabi,' tiicakalampa ciindi Lushomo wakamita. Wakatalika akulovwa kucikolo akaambo kakuciswa-ciswa nkaambo kakumita. Lushomo wakalibona bufwuba-fwuba nkaambo balo beenzyinyina kwiina wakamita nokuba kuti abalo bakali kweenda abasankwa kumalindo. Eeci cakamupa ciyo cipati Lushomo. Wakalyaambauzya kati, "anu masimpe kuti coolwe camweenzyinyoko tatoonenwi anze. Lushomo bakamwiinda kumaanu. Naakatumbuka wakajokela kucikolo. Banyina wakabasyomezya kucinca. Wakaba musimbi ulilemeka alimwi. Sunu uli kucikolo cipati cakwiiya bwiiyi.

Lino ingula mibuzyo iccilila.

- 41** Nkaaambo nzi Lushomo ncibakali kumuyanda banyina? Nkaaambo wakali ...
- A** kulilemeka.
 - B** kuzyana.
 - C** mufwuba-fwuba.
 - D** simalindo.
- 42** Nciindi nzi Lushomo abeezyinyina ncobakali kuunka kumalindo?
- A** Mafwumo-fwumo
 - B** Mangolezya
 - C** Masiku
 - D** Masyikati
- 43** Kwaamba kuti Lushomo beenzyinyina **bakamwiinda kumaanu** caamba kuti ...
- A** bakamucenga.
 - B** bakamugwasya.
 - C** bakamuseka.
 - D** bakamuvwiya.
- 44** Nkaaambo nzi Lushomo ncaakalibona bufwuba-fwuba?
- A** Kulovwa kucikolo nkaaambo kada
 - B** Kumita alikke akati kabeenzyinyina
 - C** Kutalaya kuli banyina
 - D** Kuunka kumalindo abeenzyinyina
- 45** Ninzi cakamupa kuti abe aciimo cibi Lushomo?
- A** Kujokela kucikolo
 - B** Kuunka kucikolo
 - C** Kuunka kumalindo
 - D** Kuzyana masiku
- 46** Kaambyo kakuti, '**Sokwe kaamuleya katabi**' kakaba masimpe kuli Lushomo ciindi ...
- A** naakajokela kucikolo.
 - B** naakamita.
 - C** naakaunka kumalindo.
 - D** naakazyana.
- 47** Bbala mucibalo lyaamba kubaa da ngu ...
- A** bulemu.
 - B** kuciswa.
 - C** kulovwa.
 - D** kumita.

- 48 Lushomo beenzyinyina bakamutamba kuunka kumalindo. **Malindo** caamba kusekelela kuba ...
- A busiku bumana mucado.
 - B busiku butalika mucado.
 - C ciindi camucado.
 - D wamana mucado.
- 49 Kaambyo kakuti, '**Coolwe camweenzyinyoko tacoonenwi anze**' kapandulula kuti ...
- A bubotu bwajana umwi muntu ayebo inga wabujana.
 - B coolwe cajana umwi muntu ncienu nyoonse.
 - C coolwe caumwi muntu cipa kulumwa.
 - D umwi mpaajana bubotu yebo ukonzya kujana bubi.
- 50 Beenzyinyina Lushomo abalo bakali kweenda abasankwa. Ooku nkokuti beenzyinyina bakali ...
- A kuunka kubasankwa.
 - B kuunka kumalindo.
 - C kusyabwa abalo.
 - D mulweendo abasankwa.

Mamanino Amusunko!